

Kálag e'só eche Petro Ndibned n kálag

Kálag e'só eche Petro ântenlé, bad bé Krĭsto b́o
ânteléé ch́o. A kálag-tê wê achægé b́o aá, “Bad
ábe Dyõb ápwédé.” Abén bad bémpāntēd áte á
pɛd e akuu á mbwóg e echě béchágé'áá bán Esia
Maino. Nzom echě enkəŋ boŋ átel enén kálag,
ebédéé áwéd bad bé Dyõb nlém á abum áyāle
metake míme békúdé'áá ne adúbe áde bénwōŋgē.
Awēd-te, abage b́o e'lyág bé nlém ábe nkalan
ní bwām míme Yesu Krĭstəə mbagéé b́o. Mmé
nkalan ní bwām ŕhóbe t̄ŋgene, kwééd, mpuu ne
εε éche Yesuε áπεé ámpē. Alūmēd-te b́o áte aá
békwenten metake ne e'lyág bé nlém. Anlúméd b́o
áte aá b́b́ii nén bán mímé metake médii mekəgsen
ânyín nzé adúbe áde b́wánlé ádé adúbe á mbále.
B́b́ii-ε nén bán b́kŭd nsábe á “Epun éche Yesuε
Krĭstəə áπεé.” Anlúméd-te b́o áte ámpē aá alongé
ádāb át̄ŋgéné abé ngáne alongé á bad ábe b́híde
Krĭstəə.

Nkabtéd n kálag

Ndibned n kálag 1.1-2

Dyõb d́o abage e'sooson 1.3-12

Elébé ábel mekan míme mésáá 1.13-2.10

Mekan míme bad bé Krĭsto b́ét̄ŋgéné abel á
póndé e metake 2.11-4.19

Asuded á yāl ne ábele Dyõb néε mod a Krĭsto 5.1-
11

Nsógten 5.12-14

¹ Mε Petro, mbapεε a nlomag awě Yesu Krīstəə, ntenle nyé bad ábe Dyöb ápwédé, ábe bépánťédé áte bonj bébé beken á mbwóg é Pontus, Galesia, Kapadosia, Esia ne Bitinia. ² A ntíi nímē Dyöb Titée, ammad nyé apwεd. Echē Edəádəη-’ε ébéle nyédé bad ábe básáá. Abelé nê ábel nyêbele mekan níme Yesu Krīstəə álánǵé nyé aá nyébel. Abelé nê, ábel nímē mekií níme mésyógké á awog mébel nyékud alagsen dé mbéb. Nsimé ne nsan jí Dyöb mbê ne nyé abé ne abé.

Dewóó e’lyóg bé nlém

³ Mekεnag mébê ne Dyöb áde ádé Sáá awě awεd Sánǵwée, Yesu Krīstəə. Apuúdté Yesu Krīstəə. Né-óó dekudé alongé dékōlē. Abel áde ábéle nê, ábágé syánē e’lyóg bé nlém bé alongé áde déemaá’. ⁴ Desine’ káəηne nhən níme Dyöb ákóηnéde ábē bad. Akóηnéde nyé mó ádyöb. Ahed-te méebō’é, méebéb-paá. ⁵ Dyöb ábenlad echē ngum ákəə nyé adúbe áde nyédúbpé mó, káəη né nyékudé e’soosəη. Abê e’soosəη bényinnēd á epun é asóg. ⁶ Nyédíi nyébê menyinge ne nê, kénéε édíi nén bán nyéékúđ metake nyaa ne nyaa é esóη é pónde. ⁷ Mmē metake mápě ákəg nyé adúbe, álúmed nén bán adúbe áwúú nyé áte ne mbále. Gól ehεle ebéb, bonj ké nê, bébelé béhé chí á dü ásáad chí. Nzé béhεle bébel nê ne gól, né bétáηǵéné áden adúbe dómpe akəg ábel nén áwúu áte áyāle áden adúbe átómé gól. Nzé áden adúbe átómé mekəgsen áte, né Dyöb déken nyé, ábe nyé ehúmé ne edúbé áde Yesuε álúmēdtē bad bé nkōηsé básyāēl yāl. ⁸ Nyédəə mó kénéε nyéēnyīnēē mó. Nyédúbpé-’ε mó kénéε nyéēnyīnēē mó bōob. Ké bōob-pe nyétómténé

menyiŋge abé nyaa echě mod éhελέέ-σε ahób. ⁹ Chóm echě nyékudté áyāle adúbe áde nyédúbpé mó édii e'soóson ábe ábēn e'dáádəŋ békudté.

¹⁰ Bekal bé'dáádəŋ bēnhōb mam á'sō é' pónδέ t̄ŋgene abē e'soóson abē Dyōb débéé nyé née nsimé. Béntōŋ abē e'soóson ahed áte ábel bésōŋten bó. ¹¹ Edáádəŋ éche Kr̄stəá émbē bó áte áláa bó á e'só é' pónδέ ngáne Kr̄stəá átagké ne ehúmé échě ákudté ámbid e pónδέ, boŋ bēmbē béhedé áte. Béhédé'áá áte ábii pónδέ echě nímē mam mébenlédté ne wée mod awē mébenlédté. ¹² Dyōb dénlūmēd abē bekal bé'dáádəŋ áte áá nsón nímē bébeleé méesaá nsón nímē bēn békudté nsyəŋ áhed, boŋ nídii nsón níményé. Dyōb dénlōmē bad Edáádəŋ éche Esáá échě ébidé ádyōb. Echē Edáádəŋ chōó émbēl boŋ baahóg békale Nkalaní ní Bwám nímē nyéwógéé bōob. Mmén mam móo bekal bé'dáádəŋ bēhóbé'áá. Káəŋne ángel édáá nímén mekan asōŋten.

Mbɛltéd nímēn nísəŋ

¹³ Né-óó, nyépūd abad, nyébē mboŋsén ábel nsón nímē Dyōb áhedéé. Nyétéd pónδέ nyésum-me nlém nisyāəl áyāl e nsimé nímē Dyōb débéé nyé á pónδέ echě Yesue ápéé ámpē alúmed-te nyé yāl. ¹⁴ Ngáne édii bán nyédii bad ábe bébele mekan nímē Dyōb áhedéé, nyéēmwāg-se mam mé mbéb nímē nyébélé'áá bōód mébé mékamlán ádēn alongé. ¹⁵ Dyōb ádé apwedé nyé asáá. Né-óó nyémpē nyétəŋgéné asəŋ á mbɛltéd nímēn nisyāəl. ¹⁶ Eténlédé á kálag e Dyōb nén bán, “Mbɛltéd nímēn nísəŋ áyāle mbɛltéd nímēm nísáá.”

17 Dyöb ákáadte' moosyáál nyaa póg. Eékwognáádté modmod. Nzé nyékáne-'ε áwē, nyéchage mó bán Titée. Né-óó, nyéwōη mbwóg ní Dyöb áte á alongé ádēn ásyāāl á nkōηsé-te wén wée nyédíí beken. 18 Nyébíí nēn bán Dyöb ákódté nyé á ekúkú é abé-te. Ekúkú é abé échē ábēn betaa bēnlyāgnēdtē nyé saké chōm nēe gōl ké'ε sílva échē ébébe' chōo ānkōdnédté nyé. 19 Ndāle e mekií échē Yesu Krístā chōo ānkōdnédté nyé. Krístā awē adé nēe ndyōη mí mbód nímé méēwōo awusé ké ahóg á yāl. 20 Nkōηsé níđēhób bán míbootad, Dyöb dēmmād mó apwēd. Boη bōob á asóg hén alúmté yāl wée bad bé nkōηsé. Abelé nē áyāle nyé. 21 Krístā akāó nyédúbpé Dyöb. Nyéhēle-se nyédúbé Dyöb nyésūm-me nlém nīsyāāl áwē, áyāle apuúdté Krístā abídté-'ε échē ehúmé áwēd.

22 Abel áde nyébeléé mekan mé mbāle ábélé nyésáá. Nē ábélé-'ε nyāābe bad bémpēe ábe bédúbpé Yesuε nyédāηné. Né-óó nyédāη nhóg ne aníníí ne nlém nīsyāāl. 23 Nyébíí nēn bán Dyöb ábágé nyé alongé dékōōlē mbwiined ne échē eyale. Echē eyale épééne alongé éesaá-'aá chōm éche ébébe'. Ebē abé ne abé. Dyöb áde áde á ngíndé ne á ngíndé dōo ábágé nyé áde alongé saké moonyoη. 24 Eténlédé á kálag e Dyöb nēn bán,

“Moonyoη adíí nēe nkāókāo,
 ábē e'boη-'ε é'dé nēηgāne mbonja échē
 ékwoge á ahín-tē.

Nkāókāo ayēnle', mbonja-'ε ésoode.

25 Boη eyale é Dyöb ébé abé ne abé.”

Echē eyale édíí nkalaη mí bwām nímé békánlé nyé.

2

Nyèdii meláá mé alongé

¹ Né-ɔ́, nyéede mí mēn mbeltéd mé mbéb n̄syā̄l. Nyéekālē metóm, nyéelúmté' á d̄id-te ngēn n̄n bán nyēbele bwám áde nyēebeléé, mod eesíídé waáb, e'yale bé mbéb béēbīdē-’ε nyé á nsal. ² Nyētán̄géné awan áte ákud ndyééd e edáádəŋ echē esáá, melemlem ngáne bán bé nkáál béchyεε’ε abii, ábel n̄n nzé nyēdyédé ene ndyééd, nyékwog ákud e’soóson. ³ Nyēwógléné ene ndyééd, nyēbii-’ε bɔɔb ngáne Sán̄gwéé ábeléé mekan mé bwám. ⁴ Nyéhyag wéε Sán̄gwéé, mó adé néε aláá dé alongé áde belón̄ bé ndáb bēnchenéé, bon̄ Dyōb ányin dó aá ákwógnédé, ápwēd, ákōō-’ε dó. ⁵ Nyéhyag-kɔ́ nyébē néε meláá mé alongé míme Dyōb ábenladté álón̄ eche ndáb e edáádəŋ. Awēd-te-’aá nyēbenléé mó. Nyéēbē beprise ábe bésáá, nyébagé mó mendε mé edáádəŋ míme mékóbnédé áwe e’só mbwiined ne Yesu Kr̄istə. ⁶ Eténlédé á kálag e Dyōb n̄n bán,

“Ntédé aláá dé etógn̄n
nsumé á Zayɔn.

Kénzéé awē adúbpe mó éekwágké.”

⁷ Adén aláá-ɔ́ adé etógn̄n ne nyé awē nyédúbpe mó bon̄ ne bad ábe béédúbpe mó ádii n̄ngáne “Aláá áde belón̄ bé ndáb bémbāngē abenled, d̄ɔ́ átímé aláá dé etógn̄n abé.”

⁸ Eténlédé ámpē n̄n bán,

“Mó adé aláá áde bad bélúméé ám̄n

abé-’ε ndim e aláá echē ebele bad békweg.

Bad békweg áyāle béēwōgnēē Dyōb. Nē d̄ɔ́ Dyōb átíídé aá ébenled ne bó.”

⁹ Boη nyé, nyéēsaá nê. Nyêdii bad ábe Dyöb ápwédé, beprise bé Dyöb ádé ádé kâη. Nyêdii alon áde ásaá, Dyöb dên-naá áwóó nyé ábel nén nyélúmed bad bémpēe ngáne ápédé bwám abé. Dyöb áhúdé nyé á ehíntén-tê, apεεné nyé á e'nyínen bé ekíde. ¹⁰ Ngen e'só nyénkêmbáá bad boη bəəb nyéēnyêdé bad bé Dyöb. Ngen e'só ngəl e Dyöb enkêmpaá áwēn boη bəəb Dyöb áwógé nyé ngəl.

Nyébê betāη bé Dyöb

¹¹ A-bānned nhede meé nyésōηten nén bán nyêdii beken, nyêtome-'ε á nkōηsé wén tómén. Né-óó nyéēbanné nlém ne mekan mé ekob é yəl áyāle nén nê áwanne ábēn e'dəəđəη bēn nzum.

¹² Nyéwále alongé á bwám átínté e bad ábe béedúbpe Dyöb, ábel boη ké bēnhōb bán nyêdii bad bé mbéb, bényīn mīmēn mbeltéd ní bwám. Nê dékăη béβε Dyöb edúbé mbwε míme Dyöb dépéé á epun é asóg.

¹³ A dīn á Sāηgú, nyéwógne bad bé nkōηsé ábe bédé á nkamlēn, ken nkamlēne ambáámbáa, ¹⁴ ké'ε kâη échě édé ásē e nkamlēne ambáámbáa, echě álómé ákógsen bebel bé mbéb ne ákémed bad ábe bébele' bwám. ¹⁵ Dyöb áhede nén aá mekan mé bwám mímě nyébeleé mékúdtēn mehób míme ábê e'yókél é' bad bēhóbéé nyé áyāl, míme béébii'é. ¹⁶ Nyéēsaá betāη, nyêdii kunze. Boη pēn nê déebageé nyé nzəm ábel mbéb. Nyébê née bembəledε bé Dyöb. ¹⁷ Nyébage moosyāál edúbé. Nyédəη-'ε bad bémpēe ábe bómpē bédúbpé Krīstəə. Nyébáa Dyöb. Nyébage kâη Embáámbáa edúbé.

Metake nime Krīstāa mēbê syānē e'chemléd

¹⁸ Nyé bad ábe nyêdé bembæledε, nyésuded yǎl ásē e bad ábe nyéβenleé ne edúbé ésyāāl. Nê déēbāg ne ábe bēbóó nlém bēnpen, boη nê ábê ne káāηne ábe bēbébé nlém. ¹⁹ Dyöb débē menyinge ne nyé nzé nyêweséné e'wε é' metake nime nyénkēmbáá nyékude áyāl echê. ²⁰ Nzé ebelé mbéb, boη ewēséné mbéte áyāle nímê mbéb, ne nsyāη nīhéé wékudté? Boη nzé ewēséné metake ké áyāle dyam á bwām áde ébélé, né Dyöb débē menyinge ne wε. ²¹ Mmēn metake mēbóηnéde nyé awé Dyöb ápwédé, áyāle nēn Krīstāa mwēn antāg á nló nímēn. Anlyágé-'ε nyé elanśén ábel nyéhíd nímē mekuu. ²² Enkēmbenlé mbéb ké nhóg, modmod enkēnwóg-kaá mó eyale é mbéb á nsal. ²³ Ade bad bésyáá mó, enkēntimtēnné bó. Ade bétágté'áá mó, enkēnsidté bó. Boη ambě mésyāāl á mekáá mé Dyöb áde ákáadte bad bésyāāl nyaa póg. ²⁴ Krīstāa mwēn ampém nímēd mbéb áwe yǎl á awog ábel nēn deewóó dyamdiam ábel ne mbéb, débεle-'ε mekan nime Dyöb áhεdεé, á alongé ádēd. Echē sii ébélé nyékudé e'choóchoη. ²⁵ Nyēmbé néε nidyōη ní mbód nime níbóó boη bōōb Dyöb ápééné nyé ámbíd áhíd mod awé anone nyé ngáne nnōn-a-mbód ánōnεé éche mbód.

3

Bebaád ne ábab bechóm

¹ Nyé bebaád bé bechóm-mε nyéwógne áben bechóm ábel boη ké émbē nēn bán béēhídεε eyale é Dyöb, nímēn mbeltéd ní bwām níbel bómpē bétimned Dyöb, bédúbé-'ε mó. Ké nyéētōgne bó dyamdiam aláa, ² bényīn áden abé á bwām áde

ásáá. ³ Nyéēsūmē nlém nén bán ábēn e'boŋ é'bide dásō áyāle ekāŋ é mbíd ebwóg née anabe dé esid, ahé á bwēm nēŋgāne e'bōŋ, nsāŋ, ne e'bése ké'ε kase é mbóté. ⁴ Boŋ bébii nyé dásō ne e'boŋ ábe é'bide nyé áte. Abê e'boŋ béehəŋlānné áyāle é'bide ne edāádəŋ échě épwíítédé échě éetagtán-
ne. Abê e'boŋ bōō Dyōb ányíneé aá é'dé etógnén. ⁵ Nê dōō bebaád ábe bésáá bé' bōód ábe bēsum nlém ne Dyōb bébélé'áá boŋ é'bāb e'boŋ é'bíd áwed. Bévógné'áá ábab bechóm. ⁶ Seraa mwēn ambé nê. Awógné'áá Abrahamε áchəgé-'ε mó aá asāŋ. Nzé nyēbele' mam mé bwām ésebán nyēbāa dyamdyam, né nyēdíi Seraa ábe bán. ⁷ Nyé baa-
chóm-mε ábe nyéwóó bebaád, nyētəŋgéné ábēn bebaád edúbé abε. Mod téé ábê ne awé mwaád, ánəne mó bwām. Béepedεé nyé e'wúu áte, boŋ nyáábōō nyééküd alongé nyaa póg. Adê alongé ádíi nsimé míme Dyōb ábageé. Nzé nyéewānle bó ngāne éhednéé, né Dyōb déewókké nyé mekáne.

Nyēbele bwām ké nyékudé metake

⁸ Asóged, nyé moosyáál nyébê mod nhóg, nyéwōŋ nlém míme mīpwíítédé, nyésudεd-tε yāl. ⁹ Nyéētímté mbéb áyāle mbéb. Nzé mod ahóbé nyé dyam dé mbéb áyāl, nyémpē nyéehóbé mó dyam dé mbéb á yāl, nyékáné kánnén bán Dyōb ánamed mó, áyāle nnam mōō Dyōb dénhōbpē aá mōōbě nyé áde ámpwεdté nyé. ¹⁰ Eténlédé nén bán,
“Kénzéeé awe ahede alongé dé menyŋge,
áhedé-'ε aá mōnyín e'pun é' bīn é' bwām,
eehóbé' mekan mé mbéb,
eékālē-'ε metóm.
¹¹ Asóg mbéb abεl, ábele mekan mé bwām.

Awanɛn ábɛ nsan ne moosyáál.

12 Ayále Dyöb anóné bad ábe bébele mekan mé bwám
awoge-’ε bó mekáne.

Boŋ akunnan bad yäl ábǎ bébele mbéb.”

13 Nzéé-̄ ahele ádɛŋ nyé mbéb abel nzé nyéwóó nlem áte ábel mekan mé bwám? 14 Boŋ ké nyéntäg-ke ké tagén ábel mekan míme Dyöb áhedéé, né Dyöb dé naméd nyé. Nyéewógé mbwóg, nyéētägē-’ε áte. 15 Boŋ pɛn nyébe Krístæ edúbé, nén móódé Sánwéé á alongé ádɛn. Nyébê mboŋsɛn pón dé ésyāál átímtɛn kénzée awě asédté nyé dyam tɛŋɛne nlem míme nyésūmē wée Krístæ. 16 Nyékéled nlem á abum. Nzé nyébele nê, nyésūdéd yäl ne edúbé ésyāál, nyékéléd-te nlem á abum wée bad ábe béhóbe nyé mekan me mbéb áyāl, áyále nyéhídeé Krístæ. Békwaŋ nzé bényíne ádɛn abé á bwám. 17 Nyébii nén bán édé bwám mod ákud metake áyále dyam á bwám áde ábélé, nzé nê ádé á ntii ní Dyöb, tómaa ákud metake áyále dyam dé mbéb. 18 Krístæ mómpē ankūd metake awé-’ε áyále mímed mbéb ngen póg ne ngen ésyāál. Abédéε mod awě abele mekan míme Dyöb áhedéé, boŋ anwé á nló míme bebel bé mbéb. Ambel nê, ábel dépe wée Dyöb. Bad bɛnwū mó boŋ éché ekob é yäl chóó énwē. Dyöb dɛmbǎl éché edáádɛŋ émbē ébē á alongé. 19 Eché edáádɛŋ chó-’aá ánkéénné á mbwóg áke dé akale e’dáádɛŋ eyale é Dyöb. 20 Abén e’dáádɛŋ é’bédéε e’dáádɛŋ ábe bɛnkɛnwógɛn Dyöb se’ bóód áde Dyöb dɛnchabtédté bó e’kád áte ábel bétede mímab mbéb á pón dé eché Noa álóó’áá bǎle é’mbáá. Bad waam bɛnpɛn bóó bém̄ á bǎle-té. Bɛnkūd e’sóosɛŋ

áyāle mendíb. ²¹ Nén ádé melemlem nêṅgáne edusen. Echê edusen chóó ébele bəəb boṅ bad békūd e'soósoṅ á ngíne e mpuu níme Yesu Krístəə. Edusen éesaá awobe á yǎl áhúd mbinde boṅ édii ákwentən dé abele Dyöb ne nlém níme ísáá. ²² Krístəə akií ádyöb, áwed-taá ádyéé Dyöb á ekáá é mbáá boṅ ákamláán ángel ésyāāl, benkamlenε ne ngíne échě édé ámín.

4

Aloṅgé á bad ábe bédúbpé ábê ngáne Dyöb áhedéé

¹ Né-óó ngáne édii bán Krístəə ankūd metake é ekob é yǎl, nyémpē nyétáṅgéné nyébé mboṅsén áwón melemlem mé mewēmtən nêṅgáne ánwōṅgē. Ayāle, kénzée awě atagé é ekob é yǎl, asogé mbéb abel. ² Ngáne édii-'aá nê, aloṅgé ádēn á nkōṅsé wén ábê ngáne Dyöb áhedéé saké bán mpúlé mé nkōṅsé múmó nkamlan nyé. ³ Mekan míme bad ábe béebíi Dyöb bédəə'é abel móó nyémpē nyébelé'áá. Ene pónde emaa atóm, ekwōgnédé-'ε. Nyékábé'áá mesón, nyéwón nlém áte ábel mam mé mbéb, nyémwágé'áá mím mékōbē nyé, nyéchagé'áá ngande échě bad bémwágé'áá mím mékōbē bós, bébelé-'ε e'toṅgé é' mekan, nyé benlé-'ε myöb mémpēe, dyam áde déeboo. ⁴ Bēn ábe nyáābōó nyébeláá nímén mbeltéd mé mbéb bōód, bédé menyáké bəəb ányín nyéesaá ne bós ámpē ábel epuutéd ne e'kúkú é' mekan. Né-'aá ákáá boṅ bésyāā nyé. ⁵ Boṅ bétyēem á nkáá á'sō é' Dyöb áde ábōṅséné ákáad moosyāál. Akāād ábe bédé áloṅgé ne ábe bédé. ⁶ Nén dōó

dékəŋ boŋ nkalaŋ ní bwâm níkanléd káəŋ ne wée bad ábe béwédé, ábel boŋ kénéé bénkāadtē bó áde bédíí á nkōŋsé-te, béwé-'ε ngáne moosyāál áwágkē, béhele-se bēbé á alongé ngáne Dyōb ádíí.

Nyēbenlad nde éche Dyōb ábágé nyé bwâm

⁷ Asóg dé mekan mésyāál ádé benben. Né-óó nyébwəg yəl nyétéd-te pónde ábel nēn nyéhel akáne. ⁸ Amín e nímén mésyāál, nyédəŋ nhóg ne aníníí ne nlém rísyāál. Nyédəŋ nhóg ne aníníí, áyāle edəŋge ékúdtan mbéb híin. ⁹ Nyékob nhóg ne aníníí nken ésebán nyényonŋe áte. ¹⁰ Dyōb áwóó nde híin, abagé-'ε mod téé echē nde. Nyébē bembəlede bé bwâm nyēbenlad-te échēn nde áwōŋgen nhóg ne aníníí. ¹¹ Ane awē abíé' dyaŋ ahób, ahóbé dó nēe nhóg awē akale' e'yale ábē é'bidé wée Dyōb dēn. Ké nzéé-'ε awē awōŋgan baáb, ábele' nē ne ngíne esyāál echē Dyōb ábágé mó. Nē débidēd ehúmé é Dyōb áwed á yəl e mekan mésyāál mbwiined ne Yesu Krístəə. Ehúmé ne ngíne esyāál bēbágnédé mó á ngíndé ne á ngíndé. Ebē nē.

Metake nímē bad bé Krísto békudé

¹² A-baányəŋ, nyéebág menyáké ne mekəgsen mé ngíne nímé mépiide nyé bəəb. Nēn déebág nyé nken. ¹³ Nyébē menyinŋe pən nēn, nyékude' metake melemlem ngáne Krístəə ákúdé'áá, ábel nēn nyélōn ne menyinŋe á pónde echē Dyōb délūmēdtē ehúmé éche Krístəə. ¹⁴ Nzé bad bésyāə nyé áyāle nyédíí bad ábe bēhíde Krístəə, né yəl eboó nyé áte, áyāle ehúmé é Edəədəŋ é Dyōb édé ne nyé. ¹⁵ Boŋ pən nzé nyékude metake éebāg nēn bán nyékude nímē metake áyāle nyéwúú

bad, ké'ε áyāle nyéchíbé, ké'ε áyāle nyédíí bad bé ebébtéd, ké'ε áyāle nyésóléé mam mé bad áte níme méenóné nyé. ¹⁶ Ké né-'ε, nzé nyékudé metake áyāle nyédíí bad ábe béhíde Krístəə, nê déekwāgtē nyé. Nyéságnen Dyöb ságnén nén bán béchágé nyé bán bad bé Krísto. ¹⁷ Ayāle pónde edé echě Dyöb débootédte bad akáad, äbootéd-te ne ábē bad. Nzé Dyöb áhεle ábootéd-te ne syánē awě dedé bad bé Krísto, chán-nō ébēennē bad ábe béebelé' mam ngáne nkalanj mí bwām rí Dyöb níhεdεé. ¹⁸ Eténlédé-'ε á kálag e Dyöb nén bán, “Nzé éhεle élenléd kááηne mod awě abεle ngáne Dyöb áhεdεé áte ákud e'soóson, né chán-nō ébēennē bebel bé mbéb ne bad ábe béedúbpe Dyöb?”

¹⁹ Né-óó, bad ábe bétage' ngáne Dyöb átíídé, bébê bébele mekan mé bwām, bébe-'ε yāl á mekáá mé Dyöb áde áhágé bó, mó awě ábele kéchéé échě áhábé.

5

Petro alébe bad ábe bélyágte mwembé

¹ Με νέε nhóg awě alyágte', ndəá meé níbe bad ábe bélyágte' átíntē echên elébé. Ndé nhóg awě ambé metake níme Yesuε ásē. Ehúmé échě Dyöb débεé Krístəə épě awēm ámpē. Nlébe' nyé nén meé, ² nyénone bad ábe Dyöb ábánné ásē echên melemlem nēngáne nnən-a-mbód ánənεé éche mbód. Nyénone bó áyāle nyédáá bó anən. Nyéenōnē bó byánán bényágté nyé ánən bó. Nyébele' mímé nsón saké é etútú é nsyááη, boη ébê bán nyēwóó nlém ábel mó. ³ Nyéēkamlán bad ábe bédé ásē echên ne ngíne. Nyébê bad ábe béhídtē mekuu mímbāb.

⁴ Ade kâη e benən-bé-mbód épεέ, äbĕ nyé nsábe míme ríchábé ámīn. Mmê nsábe mébē á ngíndé ne á ngíndé.

⁵ Nyémpē ábe nyêdé ásē e bad ábe bélyágte', nyésuded yǎl, nyésuded-tε yǎl nzé nyêwôηgan nhóg ne aníníí. Ayāle éténlédé á kálag e Dyöb nén bán Dyöb ákunnan bad ábe bédé kúmbe yǎl, bon abage bad ábe bésúdté yǎl nsimé. ⁶Né-ᵛó nyésudεd yǎl ásē e ngíne e Dyöb ábel bon mwēn ácháged nyé á póndé echē eböηnéde mós. ⁷ Nyéchene mekan mésyāal míme métagte nyé áwe mekáá, áyāle atédé mam míme métagte' nyé née mímē.

⁸ Nyékôb yǎl, nyétêd-tε póndé. Mod a ekoyí awêñ, Satanε, ahôηge née ngii echē edume áte, ahεde mod awĕ ányabεé áte. ⁹ Nyéēmwāg-sε atóm nyé áte. Adεn adúbe déesudé'. Nyébíí nén bán bad bémpēe ábe bédúbpé née nyé nköηsé áte rísyāal bómpē békude metake mímĕ nyémpē nyékudεé. ¹⁰ Nyékude' metake bon mímē metake méechabpé áte. Ambīd e nê, Dyöb áde ábage' nsimé rísyāal dēn débĕ nyé kéchéé éche nyébódé. Ábel nyésūmēñ, awéd-tε nyé áte. Adíi Dyöb áde nsimé mímē ríkwógnédé moosyāal, míbê-'ε póndé ésyāal. Mós apwεdé nyé ákud éche ehúmé échē ébē á ngíndé ne á ngíndé. Nyéĕkúd-tε chós áyāle nyêdé ne Krístæ. ¹¹ Ngíne esyāal edíi echē á ngíndé ne á ngíndé. Ebē nε.

Melentēn mé asóg

¹² Sailasε mós awóηgénε με átel anén mwă kálag. Adíi με née mwāñned mbāñné-'ε mós nlém á yǎl. Ntenle nyé enén kálag áwéd nyé nlém á abum, áláa-'ε nyé nén mēé mímén mam míme ríténlé nyé

médíi nsimé ní Dyöb ní mbále. Nyééhúdé mekuu áhed. ¹³Baányonj bé mwembé ní Babilón ábe Dyöb ápwédé née nyé, bélómmé nyé melentɛn. Awem mwǎn awě níkwógté á adúbe-tê, Makose mómpē alómmé nyé melentɛn. ¹⁴Nyéhê nhóg ne aníníí tâl álúmed edənge. Nsaɲ níbê ne nyé bad bé Křisto bésyāāl.

Mel̃ Mékō̃lē
New Testament in Akoose (CM:bss:Akoose)

copyright © 2011 Wycliffe Bible Translators, Inc.

Language: Akoose

Translation by: Wycliffe Bible Translators, Inc.

Akoose

bss

Cameroon

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Akoose

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

PDF generated using Haiola and XeLaTeX on 11 Nov 2022 from source files dated 29 Jan 2022

0143729f-907e-5098-b6ce-63b1629b8e48